

Date : 31 Julai 2013
Title : Silat bentuk jati diri
Publication : Sinar Harian
Page : Khabar Kampus

Silat bentuk jati diri

PERSATUAN Seni Silat Cekak Hanafi Universiti Tenaga Nasional (Uniten) dengan kerjasama Persatuan Seni Silat Cekak Ustaz Hanafi Malaysia (Silat Cekak Hanafi) menganjurkan Kejohanan Waja diri Nasional Silat Cekak Hanafi Peringkat IPT & Sekolah 2013 kali ke-16, baru-baru ini.


Kejohanan yang diadakan di Uniten dirasmikan Dekan College of Graduates Studies, Prof Madya Dr Izham Datuk Zainal Abidin.

Menurutnya, kegiatan silat adalah sesuai untuk jati diri mahasiswa di peringkat pengajian tinggi dan pelajar sekolah, selain mendidik diri untuk berdisiplin.

Lebih daripada 20 pasukan dari institusi pengajian tinggi, sekolah dan kelas latihan awam menyertai kejohanan pada tahun ini.

Juara keseluruhan peringkat sekolah bahagian wanita dimenangi Sekolah Menengah Kebangsaan (SMK) Tasek Permai, Ampang. Bahagian lelaki dimenangi SMK Taman Kosas, Ampang, peringkat IPT bahagian wanita dimenangi Universiti Teknologi Petronas, peringkat IPT bahagian lelaki dimenangi Universiti Teknologi Malaysia Kuala Lumpur.

Dalam majlis itu juga, Terengganu diumumkan sebagai tuan rumah bagi Kejohanan Waja diri Nasional Silat Cekak Hanafi Peringkat IPT & Sekolah 2014 kali ke-17.



Kejohanan seperti ini dapat memupuk jati diri setiap pesertanya.